

**TEKS UCAPAN
YANG DIPERTUA
MAJLIS PERBANDARAN SEBERANG PERAI
MAJLIS PENYAMPAIAN ANUGERAH SEKOLAH
HIJAU MPSP 2012
2 NOVEMBER 2012 (JUMAAT), JAM 3.00 PETANG
AUDITORIUM IBU PEJABAT MPSP**

.....

Yang Berhormat Tuan Chow Kon Yeow

Ahli Majlis Mesyuarat Kerajaan Negeri Pulau Pinang

Merangkap Pengerusi Jawatankuasa Kerajaan Tempatan dan Pengurusan
Lalulintas

Yang Dihormati En. Soon Lip Chee

Ahli Majlis MPSP

Merangkap Pengerusi Pasukan Kerja Mesra Alam LA21, MPSP

Yang Dihormati Ahli Majlis - Ahli Majlis

Majlis Perbandaran Seberang Perai

Yang Berusaha Tuan Sr Hj Rozali bin Mohamud

Tuan Setiausaha Perbandaran, Majlis Perbandaran Seberang Perai

Yang Berusaha Encik Ismail Zakaria

Pengurus Kanan

Continental Automotive Components Malaysia Sdn Bhd

**Yang diraikan anak-anak kita, pelajar-pelajar yang mengambil bahagian
dalam Program Sekolah Hijau MPSP 2012**

Ketua-Ketua Jabatan

Rakan-rakan Media

Tuan-tuan dan Puan-puan hadir sekali

.....

Assalamu'alaikum Warahmatullahi Wabarakatuh, Selamat Petang dan Salam
Sejahtera

Pertama sekali bersyukur ke hadirat Allah S.W.T kerana memberi kita semua
kesihatan dan juga kekuatan untuk sama – sama menghadiri Majlis
Penyampaian Anugerah Sekolah Hijau MPSP 2012 pada hari ini. Ucapan
terima kasih kepada YB Tuan Chow Kon Yeow kerana sudi meluangkan masa
untuk menghadiri penyampaian hadiah pada petang ini.

Tuan-tuan dan puan-puan sekali,

Program Anugerah ini telah diadakan untuk tahun ketiga Continental
Automotive Components Malaysia Sdn. Bhd. Pada tahun 2010, ia hanya
disertai oleh 30 buah sekolah sahaja dan pada tahun 2011, sebanyak 36 buah
sekolah menyertai anugerah ini. Untuk tahun 2012, angka tersebut telah
meningkat kepada 53 buah sekolah dimana merangkumi 33 buah sekolah
rendah dan 20 buah sekolah menengah. Peningkatan ini menunjukkan semakin
banyak sekolah yang mula peka dan mengambil tindakan proaktif untuk
memelihara dan memuliharaan alam sekitar kita.

Penilaian Anugerah Sekolah Hijau merangkumi 10 kriteria iaitu: Amalan 3R, penggunaan Sisa Makan, penggunaan minyak masak terpakai, bahan pembersih, pengurangan beg plastik, tanam pokok, penjimatan tenaga, penjimatan air, kebersihan kawasan sekolah dan aktiviti lain yang kreatif dan berinovasi.

Hasil daripada program Anugerah Sekolah Hijau ini, MPSP telah melancarkan Program Sisa Sifar. Program ini dilancarkan untuk tujuan mendidik para pelajar menguruskan sampah yang dijanakan, barang-barang yang tidak digunakan lagi untuk mencapai sisa sifar. Program ini bukan sahaja boleh dipraktikkan oleh para pelajar sahaja tetapi juga pengusaha kantin sekolah boleh memproses sisa-sisa makanan untuk dijadikan baja dengan bantuan-bantuan para pelajar. Ini bukan sahaja membantu sekolah menjimatkan kos dari segi penggunaan baja tetapi juga membantu MPSP untuk menjimatkan kos pengurusan sisa pepejal.

Program Sisa Sifar ini adalah terbuka kepada semua sekolah yang menyertai Program Anugerah Sekolah Hijau. Untuk tahun 2012, hanya 6 buah sekolah yang mengambil bahagian sahaja. Tetapi saya percayai sekolah-sekolah yang mengambil bahagian akan meningkat pada tahun depan.

Program sisa sifar di sekolah juga memerlukan komitmen tinggi daripada semua pihak agar ia berjaya melahirkan generasi yang prihatin terhadap usaha pemuliharaan alam sekitar.

Dalam usaha untuk meningkatkan kesedaran pemuliharaan alam sekitar, MPSP juga mengambil pendekatan mengadakan program-program hijau seperti program pengurusan sisa kompos dengan komuniti. Tanpa kita menjayakan program kitar semula dan program-program pengurusan sisa dapur, penjanaan sisa pepejal akan terus meningkat apabila Seberang Perai terus berkembang maju selaras dengan pertumbuhan ekonomi dan pertambahan penduduk. Beban kewangan MPSP juga akan meningkat apabila ia perlu mencari kaedah terbaik untuk melupuskan sisa pepejal yang semakin meningkat dan keperluan untuk mematuhi syarat penjagaan alam sekitar yang semakin ketat.

Dengan adanya Anugerah Sekolah Hijau dan Program Sisa Sifar yang seumpama ini maka diharapkan MPSP akan dapat meningkatkan lagi interaksi dan kesedaran di kalangan pelajar-pelajar sekolah mengenai kepentingan menjaga alam sekitar serta meningkatkan penggunaan semula bahan buangan, melaksanakan aktiviti kitar semula dan seterusnya mengurangkan sampah ke tapak pelupusan.

Harapan MPSP dan Continental Automative adalah untuk melihat lebih banyak lagi sekolah-sekolah lain diberi peluang untuk digelar “Sekolah Hijau” dalam usaha menggalakkan lebih ramai lagi pelajar menghayati dan menghargai alam sekitar. Para pelajar serta anak-anak di hadapan saya pada hari ini merupakan penggubal dasar, jurutera dan arkitek negara di masa hadapan dan adalah penting untuk amalan-amalan hijau dipraktikkan pada usia yang muda.

Sebelum mengakhiri ucapan saya, saya ingin mengucapkan tahniah kepada semua sekolah yang mengambil bahagian kerana meluangkan masa dan tenaga dalam pertandingan ini yang berlangsung sejak awal tahun lagi. Ucapan terima kasih kepada penaja Program Anugerah Sekolah Hijau, Continental Automotive Components Malaysia Sdn. Bhd. kerana sanggup bekerjasama dengan MPSP dalam program ini.

Saya sudahi dengan Wabillahi Taufik Wal Hidayah, Wassalamualaikum Warahmatullahi Wabarakatuh dan sekian terima kasih.